

Muhimlilik

34. Agar axborotning tushirib qoldirilishi yoki noto'g'ri ko'rsatilishi axborotdan foydalanuvchilarning moliyaviy hisobot asosida qabul qiladigan iqtisodiy qarorlariga ta'sir qilsa, bunday axborot muhim hisoblanadi.

35. Moliyaviy hisobotlarda bir moddada tavsifi va vazifalari jihatidan o'xshashlari bilan umumlashtirilishi kerak bo'lgan yoki alohida ko'rsatilmaslari kerak bo'lgan summalar aks ettiriladi.

Biroq, yakka tartibda ham, birgalikda ham muhim hisoblangan axborot boshqa axborot bilan to'lig'icha umumlashtirilmaslari kerak. Shu munosabat bilan, agar axborotning yoritib berilmaslari foydalanuvchilar moliyaviy hisobot asosida qabul qiladigan iqtisodiy qarorlariga ta'sir qilishi mumkin bo'lsa, bunday axborot muhim hisoblanadi.

Muhimlilik uni o'tkazadigan alohida aniq holatlarda ko'rib chiqiladigan moddaning hajmiga bog'liq bo'ladi.

36. Moliyaviy hisobot tavsifi va vazifalari bo'yicha guruhlariga tarkibiy birlashtirilgan xo'jalik operatsiyalarini qayta ishlash natijasidir. Mazkur jarayonning yakunlovchi bosqichi bo'lib moliyaviy hisobotlarda yoki modda ko'rinishida tushuntirishlarda aks ettiriladigan, qisqa ko'rinishda tasnif etilgan axborot taqdim etish hisoblanadi.

Moliyaviy hisobotda ayrim ko'rsatkichlarni ajratib ko'rsatish yoki ularni boshqa ko'rsatkichlar bilan bir moddaga birlashtirish ham muhimdir. Shu uchun, agar aktivlar yoki passivlarning, daromadlar yoki xarajatlarning ayrim moddalari muhim bo'lmasa, bunday

hollarda modda yoki moddalar jamining tavsifi va hajmi bir vaqtning o'zida baholanadi. Holatga qarab moddaning tavsifi yoki hajmi belgilovchi omil bo'lib xizmat qiladi.

37. Agar dastlabki axborot muhim bo'lmasa, BHMSda keltirilgan bunday axborotlarni yoritib ko'rsatish talablarini bajarishga hojat bo'lmaydi. Biroq, agar umumiy foydalanishga mo'ljallangan moliyaviy hisobotlarda muhim axborot boshqa muhim axborot bilan bir moddada birlashtirilgan bo'lsa, moliyaviy hisobotga tushuntirishlarda bu axborotni yoritib berish zarur.

38. Muhimlik moliyaviy hisobotda keltirilgan tushunarliklik va aniqlik darajasi bilan bog'liq. Axborotni ming yoki milliongacha yaxlitlashtirish chog'ida muhimlik tamoyili buzilmagan paytgacha aniqlik darajasidan foydalanishga yo'l qo'yiladi.